

祁州志卷之二

建置志

建置州邑之一務也其官司主者鉅矣士庶主者次之其下釋道亦主之主其事而弗稽其由稽其由而弗明其制明其制而弗詳其興廢始末後有考者歎無徵矣夫無或廢之則往蹟具在有其舉之則補救因時建置蓋可忽乎哉

城池

州城方里者六爲步二千三百四十有奇

明成化二十年知州童潮重修高五丈下廣二丈上廣一丈立三門南曰拱辰東曰迎曦西曰德星上建敵樓三角樓四

正德十二年知州韓士奇廣其制層樓飛甍煥然一新

嘉靖二十九年知州任淮創東門外重樓

隆慶二年知州周用濟創建外城重樓敵臺

祁州志

卷之二

建置

二

天啟六年知州郭應響重建西門樓磚甃南門甃城鐫石其上曰拱護神京

崇禎年間易以磚高三丈頂寬一丈底寬一丈五尺按州城舊有東西二址考之沿革志西城建於金天會間至元時復遷於東城今城之建舊志莫詳其自闕以俟詳考

又按州城西面北首一段寬二丈許自爲一工不與他處合縫相傳姬家庄義民姬某自備工料修成至今堅完如故故特表之以爲好義者勸

池深一丈五尺濶四丈周圍與城稱

刁顯祖曰王公設險以守其國孟子曰築斯城鑿斯池豈爲飾觀哉聊以固吾圉也祁處畿南雖非要害之區抑亦必爭之地則攝衆志以壯金湯安可任其傾圯而不時爲之修葺也耶

公署

州治

七十三  
畝有奇

漢隋唐皆縣治

唐景福二年陞為州

金移治於西城後因之

元副元帥賈文備創立

明洪武二年同知趙溫判官旦俊重建

正統二年知州余徽別建廳堂

十四年  
燬於兵

景泰初建草堂

邢州志

卷之二

建置

四

成化三年知州賈貞力起諸廢新之十年始成

天啟四年知州郭應響增修

正堂居中南向

今後  
圮

為穿廊

知州趙世  
德撤去

入為二堂額曰玉衡堂再入為三

堂額曰運甓

左為春谷軒軒前為園馴鶴鹿其中

右為靜觀軒退食讀書其中

今俱  
圮

再入為樓高與正

堂埒額曰樹德樓左為臺樓後為室自運甓堂至此

皆內宅。正堂左為幕廳

知州潘  
恩撤去

建園庫樓知州李

鍾俾重修

右幕題曰贊政今堂前為臺臺下為甬

道甬道中為戒石亭鋪曰甬俸甬祿民膏民脂下

民易虐上天難欺後易為坊 甬道左石為六房稍

前為班房 前為儀門題曰綱紀人倫 儀門前建

大坊舊題守土保民後改題曰經國誠民今再前為

鼓樓卽州大門也純用磚甃鑄石其上曰古義豐復

移于後改鑄曰畿南雄鎮 大門前為照墻左坊曰

承流右曰宣化今

州判署在庫樓之左中有鑾駕庫今

吏目署在右幕之右今再右為園表百步建亭曰繹

志本州校射其中今

祁州志 卷之二 建置 五

寅賓館在儀門外之左額曰三益今

獄在儀門外右地題其門曰司圜獄之輕者為倉在

獄前獄之再輕者為舖在鼓樓外各為小楹左匾古嘉石右匾小福堂

使輕犯暫羈知州郭應響建

旌善亭 申明亭俱在州治南正德年間知州嚴謹徙於儀門東西今俱圮

管河州同新署在州治東大察院舊址乾隆十年建

陰陽學舊在州治西正德七年知州徐愛徙於北在馬神廟之東今廢

醫學在治北與陰陽學相列今廢

僧正司在治南廣惠寺

察院

在儒學西十二畝  
奇額曰激揚今廢

大僕寺

在察院西天啟年間知州郭應馨  
改為西察院額曰澄清海甸今廢

刁顯祖曰官府曰署制度必備所以遵堂皇之體  
統明政事所自出也豈徒養尊處優而已哉稟帝  
命重民事屋漏不愧可以委蛇矣其勿以官署為  
傳舍而階之為厲斯小心翼翼無負乃職可以爰  
居而爰處也哉

學校

文廟 在州治東地  
基四十三畝

元副元帥賈文備創建

大德初知州成克敬建廟堂

皇慶間判官王榮祖重修

明宣德間知州賈貞建大成殿祀

先師孔子東西兩廡祀諸賢後為啟聖祠南列戟門門

外左神庫右祭厨中泮池池中穿雙井上為月橋橋

外建櫺星門

祁州志

卷之二 建置

七

正德七年知州徐愛開廟外芹措

十三年知州龍大有重修殿庭

嘉靖元年知州潘恩重修兩廡

四年典樂成

麾旛各一祝敔各一琴四瑟八鐘磬各一十有六簫笛笙各八篪塤鳳簫各四

搏拊應鼓各二舞旌羽籥各六十有四

六年知州孔天胤重修

隆慶初年通判張燭置祭器建敬一亭鄉賢名宦祠

天啟五年知州郭應響建廟前二坊左額仰聖右額

興賢地今

六年建明倫堂兩壁列科貢題名二匾 知州周濟

用改建敬一亭於堂後左右為庫房今俱東西列四

齋日志道據德依仁游藝今存前為饌堂後為講堂

今地

國朝

康熙年間知州李肇宗捐俸重修廟殿

雍正十一年知州王德培重修啟聖祠

乾隆七年知州楊永吉重修兩廡八年重修圍牆九年重修櫺星門

祁州志

卷之二 建置

十年知州李鍾俾重修戟門

十九年署州羅以桂移長史村三教堂 聖像四配

像於大成殿

二十年五月重修神臺圍牆

二十一年八月署州羅以桂將修志餘銀壹百兩交

與富商每年出息貳拾兩修補學官闕漏願州之

紳士有心學校者矢公矢慎焉

正殿四配祀復聖顏子宗聖曾子述聖子思子亞聖

孟子十二哲祀闕損冉雍宰子端木賜冉求仲由言



偃卜商刊珉顓孫師有若朱熹

東廡先賢 蘧瑗衛人 澹臺滅明魯人 原憲宋人 南宮适商

瞿漆雕開冉儒白虔冉季漆雕徒父漆雕哆公西赤

俱魯人 司馬耕宋人 梁鯁齊人 任不齊楚人 公良孺陳人 公肩定

鄆單罕公黑榮旂左人鄆鄭國原亢俱魯人 廉潔衛人 公

西輿如叔仲會邾巽俱魯人 陳亢陳人 琴張衛人 步叔乘齊人

秦法顏何縣亶俱魯人 樂正克魯人 萬章 周敦頤宋人 程

顓邵雍俱洛人

西廡先賢 林放魯人 司馬耕宋人 宓不齊魯人 公冶長公

祁州志 卷之二 建置 九

哲哀俱齊人 高柴衛人 樊須商澤巫馬施顏辛俱魯人 曹卹

蔡人 公孫龍衛人 秦商顏高俱魯人 壤駟赤秦人 石作蜀成紀人

公夏首魯人 后處齊人 奚容蒧魯人 句井疆 顏祖 秦祖

秦人 縣成魯人 公祖句茲魯人 燕伋秦人 樂欬魯人 狄黑衛人 孔忠

公西箴顏之僕施之常申棖俱魯人 左邱明周人 秦冉

牧皮 公都子 公孫丑齊人 張載秦人 程頤洛人

東廡先儒 公羊高周人 伏勝董仲舒后蒼杜子春諸

葛亮俱漢儒 王通隋儒 范仲淹歐陽修楊時羅從彥李侗

呂祖謙蔡沈陳淳魏了翁王栢俱宋儒 趙復許謙吳澄

俱元 胡居仁王守仁羅欽順俱明

西廡先儒 穀梁赤周人 高堂生秦人 孔安國毛萇鄭康

成俱漢儒 范甯東晉儒 韓愈唐儒 胡瑗司馬光尹焞胡安國

張栻陸九淵黃幹真德秀何基陳皓金履祥俱宋儒 許

衡元儒 陳獻章蔡清薛瑄俱明儒 陸隴其康熙庚戌進士

按文王世子凡始立學必釋奠于先聖先師重學以重本也聖自堯舜禹湯文武周公至孔子而集其成著六經齊魯論內聖外王無不備焉洵乎堪師百代矣及門高弟咸有翼道之功後之私淑者

滎州志

卷之二 建置

十

闡精發微如日月之經天故歷代無不尊崇之以光祀典昉自魯哀公十七年立廟孔子舊宅漢高帝十二年過魯以太牢祀孔子漢文帝元始元年追謚孔子為褒成宣尼公此尊崇孔子之始亦廟制祀典追謚之始也漢明帝承平二年以周公孔子並祀晉魏六朝以來或封公或封侯或祀於闕里或祀於辟雍靡有定制其停周公專祀孔子自天下郡縣立廟四時致祭則自唐太宗貞觀初年始也加稱至聖自宋真宗大中祥符五年始也加

號大成至聖文宣王自元武宗至大元年始也稱  
至聖先師孔子自嘉靖九年從大學士張璁之議  
也歷代以來皆塑像撤像易木主亦自此始也祀  
以六代之樂自漢章帝元和元年始也其後或用  
六佾設軒懸或用永安之樂或用登歌議者不一  
至洪武二十六年頒大成樂器于天下舞用八佾  
樂用登歌其制乃定也祀七十二賢自漢章帝元  
和六年始也以顏曾思孟並享自宋度宗咸淳三  
年定也以十哲從祀自唐玄宗開元八年始也叔

梁紇宋封公元封王令天下學校建啟聖祠者自  
嘉靖九年始也以顏無繇曾點孔鯉激公宜配宋  
程珦朱松蔡元定周輔從祀者予不先父食之義  
也及門弟子稱先賢左邱明以下稱先儒亦自嘉  
靖九年始也我

朝雍正元年追封五代有子朱子升位先哲并以陸隴  
其入東廡歷代從祀者共一百二十一位云

學正署

訓導署

俱在明倫堂後

學田地十頃六十一畝三分六釐九毫每畝徵銀四分共徵銀四十二兩四錢五分四釐七毫六絲

廩增生額各三十名

文入學額二十一名

武入學額十八名

刁顯祖曰周制辟雍四方思服魯作泮宮淮甸革心先王制治之本莫不由學蓋禮樂所由興人才所由出也粵稽唐宋以來皆詔天下郡邑置學宮設師儒翊經闡教俾士有專業彬彬盛矣

邠州志

卷之二

建置

三

本朝崇儒重道文治喬皇有前代所不及者邠簪纓科第鵲起蟬聯非邀靈於聖教者至耶乃今學宮瓦解齋舍邱墟茂草之中頓起鼓鐘俎豆之色不能不有厚望矣

名宦祠

在戟門之左

晉刺史沈

斌

元知州成克敬

判官王榮祖

明知州徐愛

張幹

童潮

賈貞

郭應響

國朝 梅朗中

學正黃 巖

訓導屠 琛

鄉賢祠

在戟門之右

漢尚書令劉 祐

祁州志

卷之二

建置

志

北齊 東郡太守孟 業

宋轉運副使盧之翰

隋并州刺史張行成

唐中書舍人齊 瀚

金叅知政事楊 果

元叅知政事賈文傑

狀元董 珪

狀元李 齊

明戶科給諫紀 文

刑部員外劉通

兵科給諫王鼎

兩淮運使郝海

監察御史王用賢

理學孝廉刁包

忠義祠在明倫堂大門左

節孝祠在明倫堂大門右

雍正九年知州王德堦建

按祠者所以崇德報功而勵世風不可濫亦不可

祁州志

卷之二 建置

遺也祁之祠秩諸祭法無幾名宦鄉賢得祀者自漢以來二十餘人以橫渠張子蒞祁有年而名宦之馨香未與崔府君篤生茲土而鄉賢之俎豆無聞他如有名諸公治績卓越者尚不乏人皆未得分祠廟之一席留心祀典者能無惻然動念歟

鄉飲禮附

儀注正月十五日十月初一日於明倫堂行禮以儒學為司正以老成生員贊禮前一日陳設坐次司正率執事習禮先日以啟請致仕官為大賓年

高有德之人爲僕賓次長爲介賓賓之次者爲三賓至日黎明宰牲具饌主人率僚屬司正先至遣人速賓比至執事者報曰賓至主席率僚屬迎於庠門外三揖三讓升堂行交拜禮訖就位司正堂中北面立賓主皆立皆揖執事者酌酒於觶以授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗親外和鄉里無或廢墜以忝所生

讀畢執事者唱司正飲酒飲畢以觶授執事執事唱揖司正揖賓僕以下皆揖司正復位賓僕以下皆坐唱讀律令執事者舉律令案于堂之中贊禮引讀律令者詣案前北面立唱賓僕以下皆立行揖禮如前讀畢復位執事者唱供饌案執事舉饌案至賓前次僕次介次主三賓以下各以次舉訖執事唱獻賓主起席北面立執事酌酒以授主主受爵詣賓前置於席稍退贊兩拜賓答拜訖執事又酌酒以授主主受爵詣僕前置于席交拜如前

儀畢主退復位執事者唱賓酌爵賓起僕從之執事酌酒授賓賓受爵詣主前置于席稍退贊兩拜賓僕主交拜訖各就位坐執事者分左右立介三賓以下酌酒于席或三行或五行供湯唱歌鹿鳴又唱酌酒飲酒供湯歌南山終唱酌酒飲酒供湯歌湛露畢執事唱徹饌候徹饌案訖唱賓僕以下皆行禮僕主僚屬居東賓介三賓衆居西讚兩拜訖唱送賓以次下堂分東西行仍三揖出庠門退律令 鄉飲禮序長幼論賢良別奸頑其坐席間年高有德者居上高年淳厚者並之以次序齒而列其有曾違條犯法之人不許與於良善之席主席者若不分別致使貴賤混淆罪以違制敢有誼譁失禮者揚鱗者以禮責之

文昌閣

在東城上舊額文章司命

乾隆二十年二月署州羅以桂管河州同徐國琛儒學吳廷正溫德和倡捐重修

奎星樓

在文廟前芹渚之南地基共一畝五分

按舊樓于康熙丙寅年知州梅朗中率州人士捐



賁經始州判楊延督工棟梁已架會梅擢戶曹楊亦陞光祿典簿延至康熙乙酉春頂木頽敗時恩貢刁繼祖舉人刁顯祖歲貢趙居易庠生許松齡監生鄭勳謀修之有義士馮士偉捐磚拔貢鄭希聖捐木庠生李作梅倡士民捐貲厥工始成雍正甲寅進士李友絳歲貢戴璉復倡捐重修焉

貞文書院

在學宮後東西八丈南北四十八丈共六畝四分

嘉靖十四年知州孔天胤建

後祀

天啟五年秋知州郭應響重建前為講堂後祀

祁州志

卷之二

建置

七

宋儒張橫渠載

字子厚董珪李齊從享額曰理學正宗

按先賢橫渠先生理學名儒循良真品曾以司法叅軍臨蒞茲土啟羣蒙于旭日皐比千秋同遺愛於召南棠陰百里前刺史郭公以原祀圯壤力為鼎新猗歟休哉輪奐與蒸嘗並耀矣迺近經百餘年來榱桷一空僅存故址憑弔先哲能勿惻然歎修廢舉興是所望於扶綱常而振名教者

講堂

在文廟後張子祠左旁東西四丈一尺南北四十八丈

天啟五年知州郭應響建正堂三楹內有公田五十

九畝以資膏火今

義學

康熙四十五年知州趙世德建州治前一所堂三楹  
門樓一座

乾隆十一年知州李鍾俾捐修金二十四兩至今仍  
之

乾隆十八年知州黃正緣置邊家庄一所地六十畝  
園地三畝半

乾隆十九年署州羅以桂置張家庄一所撥

祁州志

卷之二 建置

六

關帝廟兩處無著僧田五十畝入學以資膏火一置

崔章村一所撥田二十二畝贍焉

射圃舊在學宮右

天啟六年知州郭應響新闢東西察院中建堂三楹

額曰好是正直今廢

壇廟

風雲雷雨山川壇

在南關周圍一百四十四步地五畝四分額設春秋兩祭

明洪武二年建有齋房神厨櫺星門

久圮

崇禎元年知州郭應響重建門坊於壇前之右題曰

上下嘉德

今圮

按周禮春官宗伯之職以禋燎祀司中司命風師

雨師以血祭祭社稷五祀五嶽以貍沉祭山林川

澤夫風師雨師即今風雲雷雨之神也禋燎謂燔

柴而不實以牲所以祀天神也山林川澤即今山

祁州志

卷之二

建置

充

川之神也貍沉謂修地置諸水也所以祀地神也

王者祀天地祀天下山川故令都邑祀境內山川

風雲雷雨城隍之神夫守令者一方神人之主也

命以主祀其責顧不重歟

社稷壇

在西關外周圍一百五十二步地五畝六分額設春秋兩祭

明成化七年建制如山川壇

久圮

崇禎元年知州郭應響建亭於壇前題曰土穀維修

今圮

論曰國以民為本民以食為天故土神曰社穀神

曰稷祀社稷者凡以為民也夫自王都以至郡邑  
在在祀之孟子曰社稷為重君為輕子路曰有民  
人焉有社稷焉無社稷則無人民矣無民則無  
君矣有社稷之寄者可弗知所慎哉

先農壇

在城東周圍四畝九分額設春秋二祭

雍正五年知州王德培建正室三楹廂房各一間二  
月畊籍田處

厲壇

在城北周圍一百三十六步地四畝八分額設春秋二祭

刁顯祖曰人有無告鬼有無主無告者何天下之

祁州志

卷之二 建置

三

鰥寡孤獨是也無主者何天下之絕嗣客死是也  
國家立養濟院所以養天下之無告也立厲壇所以祀  
天下之無主也夫養及於無告祀及於無主王者  
之仁孚幽明無餘施矣澤明以實惠無事虛文澤  
幽以告虔無憑史祝承流布德良有司之事也

城隍廟

在治東南額設春秋二祭

明成化十八年建

萬曆十六年知州宋應蛟重修

天啟六年知州郭應響重修額曰代帝彰闡

刁顯祖曰按各壇分方列位皆有取義先農當為  
東壇東作之義也風雲雷雨山川城隍為南壇南  
訛之義也社稷為西壇西成之義也厲壇為北壇  
朔易之義也所以重農報本而使鬼有所歸乃不  
為厲之義也

八蜡廟

在東關北額  
設春秋二祭

劉猛將軍廟

在東關北額  
設春秋二祭

乾隆十七年知州黃正緣倡捐創建

火神廟

在儀門外左額  
設春秋二祭

祁州志

卷之二 建置

土神廟

在儀門外右額  
設春秋二祭

龍王廟

在東甕城額  
設春秋二祭

馬神廟

在州治北額  
設春秋二祭

旗纛廟

在演武廳左額  
設霜降祭今圯

東嶽廟

在東關

一在石佛村

有嶽祠烟樹之  
景詩載藝文志

關帝廟

在州治東額  
設春秋二祭

一在南關

真武廟

在北城上卽北極祐聖宮開  
國靖難多著靈異故建祠

藥王廟

俗呼為皮場王即藥王也在南關

按王本州土神自宋迄今以醫顯靈有疾者禱之即愈相傳先朝有秦王得疾諸醫莫療一醫後至進藥數丸立愈問其姓名對曰祁州南門外人也遣使即其地始知為神召立廟祀之宋建中元年封靈貺侯後改封公咸淳六年加封明靈昭惠顯祐王建廟臨安國家凡有災殍必遣使禱之制文有曰醫之所難療者神能療之又曰肇迹東京顯靈河北厥貺甚大蓋禦災捍患神也每年清明及十月十五日商賈輻輳交易月餘蓋大江以北發兌藥材之總匯云

崔府君廟

在治南

按搜神記姓崔名珏字子玉唐時鼓城人也父讓無子禱於北嶽生府君秀異絕人長應貞觀七年賢良詔授長子令遷磁州滏陽令歷官多異政邑人建生祠祀之沒之夕見黃衣使者執符牽白馬

祁州志

卷之二

建置

三

立廳下府君呼二子曰吾將去矣語畢而逝卒年六十有四唐玄宗時祿山亂府君著有靈跡勅封靈聖護國侯武宗時封威勝公宋真宗加封護國西寧王高宗避難鉅鹿以白馬夜度之命建祠臨安賜額顯衛前後事蹟詳見神異錄

金龍大王廟

在城西羊翟村

按神宋時人臨安謝太后姪兄弟四人曰紀綱統緒神其季也憤宋室之亡投水而死明太祖時顯靈輔佐遂封為金龍四大王先是有羊翟村人翟姓者貿易江南見求雨者禱于神必應乃免人制藤像負以歸至張寧村忽重不能舉村人異之具金鼓大昇多人捧歸羊翟建廟致祭禱雨輒應遂列于祀典俗傳神為羊翟人張寧蓋其外家此無稽之談也

狀元祠

在州治東地基一畝二分七釐

明成化十八年建祀元董廷李齊今

遺愛祠在州治東

崇禎元年重修祀州守蕭文清黃道亨宋應蛟今

祁州志

卷之二 建置

實所

倉場

常平倉在儀門東厥四十六間

義倉五處 中羊村 伍仁橋 長史村 五女村

羊翟村

各瓦房三間

鄉約所

明崇禎元年知州郭應響建十二處 東路中羊村

龐各庄 安固城 劉羅村 南路東固村 焦

家庄 伍仁橋 蠲頭村 西路五女集 辛安

祁州志

卷之二

建置

十四

村 北路婁家營 中照村

教場

在西門外

天啟五年知州郭應響建上為敦悅堂中為將臺樹

大纛臺前左出為門坊外額演武場內額清風細

柳

今地

問俗亭

在城東

嘉靖元年知州陳則清建

今地

草場

在治北地二十七畝有奇東至馬神廟界地九畝

馬場

在治北地十七畝東至桑聚園官地八畝



桑棗園 在州治東北地  
十畝內鑿一引

桑園 在治  
西

乾隆十四年知州李鍾俾因隙地植桑數千株教民  
蚕事資其利有桑亭碑記見藝文志

養濟院 在州治南地  
基二畝五分

乾隆三年知州汪文昂重修瓦房十間平房五間

留養局 一在南關藥王廟一在  
婁家營一在中羊村

乾隆十九年署知州羅以桂奉制憲方 置署州倡

捐五十金鹽當商人共捐一百五十金二十年以六

祁州志 卷之二 建置 三

十金買固安民撥補騰驤衛地三頃四十七畝餘金  
畀當商權之收其租息以贍留養

漏澤園 在東關外八蜡廟後地四畝  
一在東關外拖南地四畝

崇禎五年知州郭應響設

急遞舖

總舖在治南東由王家庄抵博野達於府南由東固  
村婁底村抵深澤

墩墩

東路中羊村一座 南路子婁村一座 張寧村一

座 南馬村一座 西路辛安村一座 北路婁家  
一座

邢州志

卷之二

建置

三

橋梁 津渡附

望春橋 在東關

通濟橋 在南關

湧泉橋 在西關

伍仁橋 在縣南遊河上

永新橋 在桃裏村本村崔善人建

張村橋

鄭章橋 俱小清河

善人橋 在佛落村孝義河門東村劉士俊建

邢州志

卷之二

建置

三

唐河橋 一在明光店 一在南流村 一在王買村 一在桃裏村 一在鄭庄村 俱土工

沙河橋 一在張寧村 一在焦家庄 一在固城村 俱土工

滋河橋 在崔章村 土工

諸龍河橋 一在三岔口 一在馬庄 一在劉羅村 鄉耆安旭彩捐修

明光店渡

南流渡

王買渡

桃裏渡

張寧渡

以上俱石工

焦家庄渡

三岔口渡

劉羅渡

馬庄渡

以上俱義渡

論曰雨畢而除道水涸而成梁子輿氏曰歲十一月徒杠成十二月輿梁成民未病涉也橋梁以濟舟楫之窮倘所謂示民周行非耶祁當三河繞境輪蹄之往來深厲淺揭所不免矣今各岸口舟楫橋梁悉出居民義舉固見風俗人心之厚而靡不有初鮮克有終尤望司是土者有以作成而獎勵之也

祁州志

卷之二

建置

天

坊表

彰善坊 石州治前乾隆八年知州楊永吉奉勅建

師弟狀元 董珪李齊

冠英 舉人劉紹

秋標經元 舉人郝海

春標開元 進士郝海

步蟾 舉人劉漸

拔萃 舉人鄭春

桂芳 舉人劉繼祖

邠州志

卷之二 建置

經元 舉人賀鑑

碧海騰蛟 舉人趙世賢

鵬駕秋風 舉人魏尚賢

蘭省恩榮 進士王用賢

栢臺清要 陝西道御史王用賢

誥贈 戶部員外郎文清

光世 淇縣知縣劉繼祖

桂香光裕 舉人王綱

桂種 舉人鄭森

昭代恩榮

鹽運使許國士

羣英

舉人張祖良張尚賢江子淵張光祖曹志周張懋勳

玉兔秋香

舉人張光祖

恩綸重錫

知州劉明才

子卯鳴盛

舉人徐人豪刁基命

節孝雙全

刁興祖妻焦氏

貞節

劉世朝妻張氏

貞節

生員李志道妻鄭氏

刁顯祖曰坊者表也所以表樹懿徽傳之不朽使

祁州志

卷之二

建置

三

人景而慕之者也彼有秩位赫奕道德顯榮與夫忠孝節烈之事垂名棹楔彪炳通衢問俗君子私心仰止焉但歷年久遠舊坊之圯壞十不存一矣雖然人苟克自樹立堪以千古姓名且與日月爭光又豈木石所能存沒哉

寺觀

廣惠寺

在州治東南地基五十五畝有奇

洪碧寺

張鄉

鎮海寺

流昌村

永興寺

南羊村

石佛寺

北羊村

聖福寺

龐各庄

崇興寺

大文村

白雀寺

龐各庄

興化寺

高業村

昆盧寺

隆泉寺

墅頭村

興雲寺

伍仁村

白塔寺

毛山衛

慈氏寺

宋固村

付氏寺

錫頭村

清涼寺

固城村

邢州志

卷之二 建置

三

保安寺

奉伯村

圓覺寺

廣恩寺

崔章村

聖壽寺

中照村

清源寺

枕裏村

安國寺

興隆寺

門東村

開元寺

行堂村

洪恩寺

聖安寺

寶禪寺

佛落寺

天寧寺

北都村

永安寺

北良村

大戶寺

保安寺

興德寺

北馬村

永寧寺

西園村

中元寺

張

興福寺

崇興寺

閭村

聖母行宮

州治西

太中山寺

東長史村

碧霞宮

城東三里許

論曰晉魏以還寺觀盛矣吾儒固不屑道然名山  
幽林結宇而栖託者緇衣黃冠多矣士大夫休沐  
餘閑亦可寄塵外賞也何必盧其居哉

祁州志

卷之二

建置

三



古蹟

古城峰 舊屬鼓邑城南三十里巍然高聳與山無

異谷中春月有聲如鼓今遺址尙存

安國城 在州東南相傳漢時疾風吹來土城一座

遂名安國歲久傾圮遺址猶存有三皇廟建於元時以爲醫學之祖

五老觀 在州東南宋時有五人定州王老深州趙

老晉州李老趙州馬老祁州馮老擇地一方其勢

寬廣揭以高杆上係金銀各一錠招人以瓦鑠擊

祁州志

卷之二

建置

三

之中者與焉于是爭擊者衆未幾成堆因創殿宇

七間以生鐵鑄瓦梁棟繪五彩因名五老觀今

北

北壑 在城東二十里臺高三丈餘廣十丈上有古

廟相傳漢光武于此封王其廟神卽漢王也

秦王臺 在州南三十里崔章村臺高三丈廣十五

丈上有秦王廟建置之由無考明宣德七年鄉人

崔子榮重修後有古洞門高一丈內有四圈深遠

不測

興國雙塔寺 在州南查城南並無雙塔寺長史村

有小塔其制近古相傳卽燕趙分界處是否未詳  
貴妃石 在伍仁橋按橋建於明神宗三十七年長  
二十餘丈中空有小石砌北壁上鐫鄭貴妃數字  
每遇河水漲發時任水高幾尺至中空卽低下順  
流而過過則復高相傳不沒中空卽不沒此石也  
鎮橋玉帶 伍仁橋南碑樓內有蟠龍擎玉帶一條  
歷年久遠爲炊烟所燻五色不辨而其形宛然可  
觀相傳鄭貴妃所留

按舊志古蹟有曲陽城今隸定州故不復贅

祁州志

卷之二 建置

三

名墓

陳平墓 漢高祖封平曲逆侯遂卒於此按曲逆祁  
舊屬也相傳墓在馬村西北

漢邳彤王墓 在南門外說詳廟志

馬武墓 漢光武時封揚虛侯相傳墓在馬家庄今  
高埠尙存

崔府君墓 在州南明成化時鄉人畊得其墓石碣  
存焉

賈公墓 名輔金時行軍千戶領順天河南軍民萬

戶墓在七公村北俗呼爲碑樓墳

張公墓 名實元時封奉訓大夫飛騎尉保定路完

州知州清苑男墓在南關外有石柱翁仲存焉

論曰古人有亘千載而常存者古人之精神爲之  
而蹟無與也雖然甘棠遺愛五柳風清其人耶其  
蹟耶憑弔之下感慨係之矣州爲古燕輿區歷經  
沿革之餘而斷壘殘碑猶有存者况名賢之遺址  
奇士之芳踪得諸傳聞或之典籍洵有光於志乘  
哉至其湮沒不傳與傳而失實者未敢妄加附會

祁州志

卷之二 建置

三

姑以俟之博雅云爾

